



## RELATÓRIU TRIMESTRÁL FUNDU MINA-RAI NIAN

Trimestre ne'ebé termina iha 30 Juñu 2023

### KOMUNIKADU IMPRENSA

Banco Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba trimestre ne'ebé termina iha lora 30 fulan Juñu tinan 2023. Relatóriu ne'e hatudu katak kapitál Fundu nian iha trimestre ikus ne'e mak billiaun US\$18.075 kompara ho billiaun \$17.691<sup>1</sup> iha fim trimestre dahuluk hafoin ajusta tiha "Fair Value" dívida privada ba 2022.

Relatóriu ne'e mós hatudu katak totál reseitas mak simu iha trimestre ne'e hamutuk millaun \$332.21

Rendimentu bruto husi investimentu Fundu nian hamutuk positivu millaun \$248.025 kompostu husi kupaun no dividendu ne'ebé simu mak millaun \$123.73, mudansa iha valór merkadu nian positivu millaun \$117.59 no movimentu cambiais mak positivu millaun \$6.70 iha trimestre ne'e. Ne'e rezulta rendimentu ba karteira Fundu nian durante trimestre ne'e 1.39% enkuantu rendimentu sasukat (*benchmark*) nian ba periodu ne'e mak 1.48%.

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabiliza atu estabelese estratéjia investimentu tomak kona-ba Fundu ne'e nian.

Banco Central de Timor-Leste jere ona portofoliu besik liu ho pontu referensia iha trimestre dala hitunulu resin rua dahuluk. Diferensia entre retornu total portofoliu no pontu referensia iha periode nee -0.09 ponto de base ou - 9 pursentu. Dezenpenu retornu fundu nian hahú husi inísiu mak 4.13 pursentu.

Pontu importante husi Relatóriu Trimestre ba dala LXVII, ne'ebé kobre período 01 fulan Abril to'o lora 30 fulan Juñu tinan 2023, inklui:

- Kapitál Fundus nian mak billiaun \$18.075.
- Osan kontadu bruto fundus nian tama husi kontribuisaun kontribuinte, hamutuk mak millaun \$332.21.
- Osan kontadu líquidu ne'ebé sai husi Fundu durante trimestre ne'e hamutuk millaun \$192.856 kompostu husi millaun 190 transfere ba Orsamentu Estadu no millaun \$2.856 kobre kustus jestaun nian.
- Rendimentu total portofoliu Fundu nian iha trimestre ne'e mak 1.39% enkuantu rendimentu sasukat (*benchmak*) iha periodu ne'e mak 1.48%.
- Rendimentu portofoliu instrumentu merkadu finanseiru iha periodu ne'e mak 1.43% kompara ho rendimentu referensia mak 1.53%.

Relatóriu trimestrál, lei Fundu Mina-Rai nian nomós Akordu Jestaun Operasionál, disponivel iha portal Banku Central de Timor-Leste nian <https://www.bancocentral.tl>

Dili, 08 Agostu 2023

**Venancio Alves Maria**  
Vice Governadór

<sup>1</sup> "Fair Value" ba dívida privada iha Dezembru 2022 mak \$560,76 million replete iha atívu finanseiru iha presu merkadu nian. Valor inísiu ajusta lijeiramente hodi replete "Fair Value" foun iha Dezembru 2022 ne'ebé sei afeta mos balansu Trimestre ne'ebé termina iha Marsu 2023.